

四庫全書

子部

欽定四庫全書

子部

圖書編卷一百十六

詳校官中書_臣孫衡

主事_臣祁韻士覆勘

總校官進士_臣朱鈺

校對官編修_臣秦瀛

謄錄監生_臣許思光

欽定四庫全書

圖書編卷一百十六

明 章潢 撰

兵曹總叙


周禮大司馬曰夏官何哉夏大也離為火夏屬離離
火陰寓於陽而夏至一陰生焉夏陰氣兵陰象也故
說卦離為甲冑為戈兵離上九王用出征有嘉折首
匪獲其醜無咎象曰王用出征以正邦也夏官司馬主

兵掌邦政統六師佐王大一統之治其取義不亦深乎易師之象曰君子以容民蓄衆寓兵於農伏險於順也萃之象曰君子以除戎器戒不虞制治於未亂保邦於未危也故觀陣於天之積卒則知戎器不可以不除觀象於易師則比閭族黨即五兩卒徒農皆為兵兵皆自賦國家無養兵之費此古司馬法也自井田廢而兵農分司馬穰苴之法興謂兵為說道惟戰勝攻取竒正倚伏是尚而節制之師亦不可得而

見矣漢南北軍尚有將相一體宮府相維之意唐府
兵法得兵農合一之規其餘非忘戰則好戰失之均
爾惟我朝設兵部尚書即周夏官大司馬卿也侍郎
即小司馬也所屬四司武選職方車駕武庫凡天下
武職班秩輿地要害馬政戎器皆其所掌內而五府
京營諸衛外而都司各衛所皆其所屬是其政皆軍
政也董治軍國機務不亦大乎但職專軍政文武權
分視司馬論進士之賢者定其官爵祿位大不侔矣

況古人操練皆用八陣亦井田遺法自兵不井出陣
法亦尚竒不尚正而蓄威耀德之道不復講焉軍民
文武德威竒正判然兩途豈足以盡夏官之義乎是
故陰麗乎陽為離為夏兵寓於農為夏官司馬在德
不在險吳起尚能言之今知德君子以為何如

容民畜衆卦圖



坤至順也坎至險也民之順坤也兵之險坎也至順之中至險者寓非徒論其理也觀江河之源泉混混忽隱其流至數十百里而其流復出蓋其隱而莫之見者水由地中行即所謂汙水也易師卦上坤下坎故孔子大象曰地中有水師君子以容民畜衆夫謂之容民者何畫之井田以定其居食而勤農事焉坤之象也謂之畜衆者何制之軍旅以時其訓練而講武事焉坎之象也方其無事也比閭族黨之中莫非

五兩卒徒之衆及其有事也荷執戈之士是即於耜
舉趾之農民皆兵也兵即自養也民固不必出粟以
養兵兵即農也農即自衛也兵亦不必出身以衛民
此法之所以良而井法即兵法也後之言兵法必曰
八陣圖孰知中田即中軍私田八家即八陣之遺制
耶但兵法猶存於世而井田廢焉是廢其本而存其
末矣雖然兵農合一聖人豈有意以為之哉地中有
水之象本如是也先王因象以立法孔子因卦以立

言自兵農分而立法立言之意盡失之矣欲寓兵於農者盍於此卦觀其象而玩其辭乎

師卦陣記

附

師卦之陣伏羲氏王天下之所作也伏羲仰觀積卒之宿而得五營九軍之數乃以一卦當一星十二星而布十二卦布四坎於中以為貞布八卦於外以為悔環八方坤坎之相涵營在其中矣對待交互其爻六十有四又八坤四坎積爻三十有二拆陰盡之偶

其畫亦六十有四陣在其中矣坤者順也靜也坎者險也不可測也或靜或不可測竒正在其中矣一陽居中而用事內外三十二陰皆為所率將在其中矣南為先鋒北為後游東為左翼西為右翼東南為前軍西南為右軍東北為左軍西北為後軍陣在其中矣初爻為殿二爻為中三爻為戎四爻為駐五爻為前六爻為先鋒卒在其中矣內外相維大小相包四面如一觸處為首節制在其中矣故名其卦曰師有



陣之象也所謂作易以通神明之德以類萬物之情
蓋如此文王係卦辭重順義而貴選將也周公係爻
辭審進退而察動靜也孔子係象傳務養民以得其
心也以伏羲之陣兼三聖之辭則師為直將為明兵
為和陣為武仁義節制兩者備矣以王天下其孰有
不服者哉故曰後世兵書之繁不如師卦之約乃此
之謂與按師卦有陣之象如此篇所云誠有然者但
又謂伏羲仰觀積卒之宿而得五營九軍之數何歟

且謂一卦當一星必布十二卦八坤四坎而後成師
之陣又未免以己意附會之矣以予觀之即師一卦
而陣之象已備何也坤順坎險伏至險於至順陣之
義也以卦之象言之陰爻五非五人為伍五旅為師
乎陽爻一非大將居中軍無二將乎以一奇統五偶
非中軍握奇而運謀帷幄者乎四偶在前分而為八
非天地風雲鳥虎龜蛇之八陣乎一偶在後折而為
二非遊兵却月之陣乎坤順在前非陣之方而順所

以為正乎坎險在後非陣之圓而險所以為奇乎前
後皆偶而受乎一奇之節制非首尾之相應乎衆陰
對隊而分列兩旁非左右之相翼乎衆偶層疊非縱
橫翕闔而不可敗乎前衝三陽後衝二陰非大陣包
小陣大營包小營乎可見因師之卦而為師之陣即
師之象而有師之名皆天地自然之造化聖人無一
毫私智雜於其間也自後諸家曰握奇陣曰五行三
才陣曰兵農陣曰魚麗陣曰荊尸陣曰崇卒陣曰鷄

父陣曰內政陣曰握竒營陣曰乘之陣曰象棋陣曰
坡下陣曰八陣曰扁箱車陣曰六花陣曰四門斗底
陣曰十二將兵陣曰十二辰陣曰平戎萬全陣曰常
陣其名雖殊孰非師卦之推演乎

積卒二十之星圖



積卒星微
小明潤則
國安兵閑
盛赤芒角
則兵大起
客星守之
則兵有變

積卒陣記附

積卒之象天之陣也在房度西南其星十二點布為
內外二重外圍以八八營也內握以四中壘也合內
外而為九九軍也各三星品連而相統以為左右前
後四獸之局向於前者前拒之為鳥陣也向於後
者後拒之為蛇陣也向於左者左角之為龍陣
也向於右者右角之為虎陣也又外體圓天
陣布也內體方地陣布也外四偶各一風雲起

四維東西各二 大衝居左右也內二縱相對 天
衝居前後也二橫相對 地軸貫中央也又外之四
位之相間各離二星之廣 內四星之相去各離
一星之廣 陣間容陣隊間容隊也前參連如後參
連 左參連如右參連 以前為後以後為前四面
如一觸處為首也合有五營 散有八陣 數起於
五而終於八也 以內之四統外之八四奇傳命於八
正八正取稟於四奇也其法咸備如此豈非自然之

理乎蓋民物有治亂夷夏有盛衰帝王有興替盜賊
有熾滅真寘之中天所陰制而默調者蓋用以此其
陣至簡而備至約而要至整而固聖人雖智其何能
加於此

宋史天文志積卒十二星在房西南

步天歌
屬心

五營軍

士之象主衛士掃除不祥星小為吉明大搖動則有
兵火起一星亡兵少出二星亡兵半出三星亡兵盡
出五星守之兵起不測近臣誅彗星守之禁兵大出

天子自將風雲犯之青赤為大臣持政欲論兵事

周兵制總叙


王畿千里近郊五十里遠郊百里為鄉六鄉百里通
十為同為百里者十提封九萬井九十萬夫之地除
山川城邑之屬三萬六千井地除公田九分之一為
五十萬二千夫又以一易再易三易通之三分去一
為三十五萬四百夫率三百五十家賦一乘積六鄉
為十乘而餘率七家賦兵積六鄉為七萬五千人此

六軍之制也六遂及三等侯國皆如鄉之法畿方千里為千里者十如鄉之除為三百五十萬四十夫賦車七乘卒七十五萬人為六軍者十此通畿之師也大司馬通而征之十年而役一遍凡三家可任者率十有一人則終身無過一再給公上事蓋先王忠厚之至更勞均逸不欲窮民之力也古者畿內之兵不出所以重內也卒有四方之役即用諸侯人耳或遣上公帥主賦亦不過元戎十乘以先啟而行也而調


兵諸侯亦各從其方之便高宗伐楚蓋哀荆之旅武
王克商實用西土至於征徐以魯追緇以韓於淮夷
以江漢畧見於經可考也平王出戍遠以見刺當是
時周都洛矣自洛戍申許無乃未甚遠而周人已不
堪況後世有勞師萬里者哉春秋之初從王伐鄭遂
有蔡人衛人二百四十二年間王人會伐屢矣未嘗
見師之出唯敗績於姜戎王師自出春秋深譏焉

周禮伍兩卒旅師軍圖


二兩為隊圖



五人為伍圖




伍為兩圖



旅師五人為伍二伍為聯
 複並法五人為伍十伍為隊則二兩而為隊有正副隊長二人
 即後世隊頭副隊頭
 一團為一人通兩司馬正副隊長共五十四人

大司馬二十五人為兩兩司馬皆中士小司馬五伍為兩
 古法每百人乘車大車各一乘一車兩輪因謂車為兩
 凡車有正必有副則百人當有車四兩二十五人各有車一
 兩此兩之所由名也
 每一團為一人五伍二十五人通兩司馬二十六人


四 兩 為 卒 周



大司馬兩人為卒皆上士小司徒四兩為卒

周制每車一乘甲士三人步卒七十五人以為前拒左
角右角各二十五人重車一乘將之者二十五人一團一
人合兩司馬四人五十人隊長四人卒正副二人共一有十
人舊說步卒七十三人三兩各缺一人又缺兩司馬五十
人長泥于百人為卒而誤也司馬法云革車一乘士
十人徒二十人者蓋伍皆有長百人則伍長二十人以
其藏于伍內故止稱徒二十七人兩司馬四人五十人
隊長四人卒正二人為士七人也卒之為言終也白
伍而下其兵皆未可用至于卒則有車一乘其
兵百人兵法自此而成故以為名雖不足用然放過小
敵得一象將將之此百人如下布旅之法亦可制旅
無當也

五 卒 為 旅 圖



大司馬五百人為旅旅帥皆下大夫

小司徒五兩為卒每一圓為一伍五人五圓為


一兩二十五人旅之為言衆也兵車五乘統五百人

故以旅名少康有衆一旅是也兵雖少然能奇正

人合亦足為用大約中四兩為中軍四正每正二兩

為兵軍每隅一兩為奇軍後四兩為遊軍


五 旅 為 師 圖



大司馬三千五百人為師師皆中大夫
小司徒五旅為師每一團為一兩二十五人四團
為一卒百人

師之為言衆也大也兵車二十五乘統二千五
百人其兵衆矣故以師名大約四正四奇中握機外
遊軍並當如握機八陣之制車卒伍法二十五
乘為大偏以一師之車而言五十乘為卒亦曰廣
合二師之車而言也

五 師 為 軍 圖



大司馬萬二千五百人為軍軍將皆命卿

小司徒五師為軍每師為一卒五國為一旅五百人
 軍之為言萬二千五百人兵車一百二十五乘大
 車亦如之合二車之倅為車五百乘可以由環為
 營故其為字以邑車為文以守以戰可以無敵夫小
 國一軍次國二軍大國三軍天子六軍凡大將所統
 多多益善用以調發應接然皆各自為營故營衛
 整齊起止迅疾而無後世全軍覆沒之禍此軍所以
 止於萬二千五百人也車卒伍法一百二十三乘
 為伍指一軍之車言

成周兵民之制

嘗合周制土田居民之數而得其制兵之稅矣夫以王畿千里居民之數計之為田一千六百同每同除山澤邑居溝渠道路等三分之一為六千四百井每井以上中下三等不易一易再易計之一夫耕二夫地實止四家可任者三人至二人計之每井十人故每同二萬五千餘家可任者六萬四千人出車百乘徒萬人每五家而出二人可任者六人而用其一也

是千里之地合有四千萬家為車十六萬乘矣然自古稱天子曰萬乘則十六倍而用其一十家用其一人而已又以鄉遂居民之數計之遠郊近郊四面各地方二百里為田六十四同每同二萬五千家合有一百六十萬家矣及觀鄉遂序官之數比鄰之長共三萬人所統止於十五萬家是一家而兼十家每一比長所統五十餘家矣夫丘甸之法兵皆設而不用比閭之法戶皆有餘而不籍何也蓋有居民可任之

數用以力田治水田獵追胥每同可任者十萬餘人
是也有丘甸出車之數每同出車百乘徒萬人是也
有簡稽之數苟盡簡閱之則民不勝其疲故如載師
之法自十一至於二十而三每五分而稽其一必十
餘載而一周其比閭之法則以一家而兼十家所以
統轄乎民者必十年而一周推此二法即如今之設
里者計一藏九休九而用一其法不得不然也至以
調遣言則行者有寒暑鋒鏑之苦居者有離索怨曠

之思是豈可發而多用哉故大司馬所統不過六軍
為車七百五十乘為徒七萬五千人於十里之內均
番而調遣之其優裕而不迫均徧而不頗類如此故
天子出必有六軍君行師從卿行旅從徵發而不至
於空虛行役而不以為勞苦居足以守而無虞出足
以戰而無敵田足以耕而不乏食老幼廢疾有養而
無失所此周制之所以為善也

周兵制圖

王 上公

六鄉六遂

六軍

七萬五千人

大國 上公

三鄉三遂

三軍

三萬七千五百人

次國 侯伯

二鄉二遂

二軍

二萬五千人

小國 子男

一鄉一遂

一軍

一萬二千人

伍 五人

伍長公司馬下士

一軍伍長二千五百人
六軍共一萬五千人

兩 二十五人

兩司馬中士

一軍兩司馬五百人
六軍共三千人

卒 百人

卒長上士

一軍卒長一百二十五人
六軍共七百五十人

旅 五百人

旅師下大夫

一軍旅師二十五人
六軍共一百五十人

師二十五
百人

師帥中大夫
一軍師帥五人
六軍共三十人

軍萬二千
五百人

軍將卿
一軍一人
六軍共六卿

周兵制考

周官大司馬凡制軍萬有二千五百人為軍王六軍
大國三軍次國二軍小國一軍軍將皆命卿二千有
五百人為師師帥皆中大夫五百人為旅旅帥皆下
大夫百人為卒卒長皆上士一十五人為兩兩司馬
皆中士五人為伍伍皆有長一軍則二府六史胥十

人徒百人李氏曰此則六鄉為六軍又按遂人職云
稽其人民而授之田野簡其兵器康成謂遂之軍法
如六鄉則六遂亦為六軍注疏謂天子六鄉六遂合
有十二軍而止六軍何也蓋六鄉為正軍六遂為副
卒至於大國之三鄉三遂次國之二鄉二遂小國之
一鄉一遂莫不皆然但以王家迭用之則常六軍爾
故止言六軍此鄉遂制軍之法

小司徒乃會萬民之卒伍而用之五人為伍五伍為

兩四兩為卒五卒為旅五旅為師五師為軍以起軍旅以作田役以比追胥以令貢賦人民而周知其數上地家七人可任也者家三人中地家六人可任也者二家五人下地家五人可任也者家二人凡起徒卒者毋過家一人以其餘為羨惟田與追胥竭作凡國之大事致民大故致餘子

遂人以歲時稽其人民而授之田野簡其兵器教之稼穡凡治野以下劑致甿

陳氏禮書曰古者國有遊倅田有餘夫軍有羨卒皆所以副其正也六鄉以三遂劑致民上地家七人至毋過家七人以其餘為羨則一人為正卒餘可任者皆羨卒也六遂以下劑致民上地可任者家三人中地可任者二家五人而皆以下地二人任之則一人為正卒一人為羨卒其餘不預所以優野人也惟田與追胥竭作鄉遂皆然以田獵禽獸人所同欲追伺盜賊人所同惡故也羨卒亦謂之餘子則餘子自私

言之羨卒自公言之故詩曰其軍三單先儒謂公劉始遷於豳無羨卒是也班固漢志殷周以兵定天下矣天下既定戢藏干戈教以文德而猶立司馬之官設六軍之衆因井田而制軍賦地方一里為井井十為通通十為成成方十里成十為終終十為同同方百里同十為封封十為畿畿方千里有稅有賦稅以足食賦以足兵故四井為邑四邑為丘丘十六井也

有戎馬一疋牛三頭四丘為甸甸六十四井也有戎

馬四疋兵車一乘牛十二頭甲士三人卒七十二人
干戈備具是謂乘馬之法一同百里提封萬井除山
川沈斥城池邑居園圃道路三千六百井定出賦六
千四百井戎馬四百疋兵車百乘此卿大夫采地之
大者也是謂百乘之家一封三百一十六里提封十
萬井定出賦六萬四千井戎馬四千疋兵車十乘此
諸侯之大者也是謂千乘之國天子畿方千里提封
百萬井定出賦六十四萬井戎馬四萬疋兵車萬乘

此主戎車馬徒干戈素具春振旅以蒐夏拔舍以苗
秋治兵以獮冬大閱以狩皆於農隙以講武事焉五
國為屬屬有長十國為連連有帥三十國為卒卒有
正二百一十國為州州有牧連帥比年簡車卒正三
年簡徒羣牧五載簡車徒此先王為國立賦足兵之
大畧也

薛氏曰一封出車千乘以杜氏法積算十同千乘當
有戎馬四千疋牛一萬二千頭甲士二千人步卒七

萬二千人合士卒之數可以為六軍然而大國不過三軍其有六軍者猶天子六鄉六遂迭用之耳記曰大國不過千乘蓋謂諸侯地不過百里車不過千乘以開方之法計之方十里為方一里者百其賦十乘方百里者為方一里者萬其賦千乘然賦雖出千乘而兵不過三軍五百乘而已則五百乘三鄉之所出也千乘闔境之所出也何則鄉萬二千五百家合三鄉則三萬七千五百家凡起徒役無過家一人則三

軍為三萬七千五百人矣三軍而車五百乘則天子
六軍為車千乘矣

又曰周制萬二千五百人為軍六軍七萬五千人千
里之畿提封萬井定出賦六十四萬一井之田八家
耕之總計六十四萬井之田為五百一十二萬家家
出一夫為五百一十二萬夫以此夫衆而供萬乘之
賦是為七家而賦一兵孫子曰興師十萬日費千金
內外騷動急於道路不得操事者七十萬家蓋言一

夫從軍七家奉之此亦見七家賦一兵也自夫率之七家相更已給軍則王畿之內凡七征而役方一遍焉

章氏曰司徒之可任者如此其多司馬法之出土徒如彼其少蓋古今之於兵不盡用之小司徒只言其可任者非實數也後世反此晉作州兵乃是盡數調發甚非先王之制其他如魯成作丘甲蘇秦謂齊宣王臨淄之中七萬戶不下戶三男子而卒以二十萬

曹操謂崔琰曰昨案戶籍可得三十萬衆故為大州是皆以十數調發惟孔明僅有此意以蜀之大其兵常不過十二萬而所用八萬常留四萬以為更代蜀之強以孔明不盡用之故及蜀之亡常有十萬二千數年之間所折不過二萬耳

齊桓公問管仲行伯用師之道仲曰公欲定卒伍修甲兵大國亦將修之而小國設備則難以速得志矣乃作內政而寓軍令焉三分其國為二十一鄉工商

之鄉六士鄉十五三國起案以為三官臣立三宰工
立三族市立三鄉澤立三虞山立三衡作內政而寄
軍令焉五家為軌軌為之長十軌為里里有司四里
為連連有帥十連為鄉鄉有良人焉以為軍令五家
為軌故五人為伍軌長帥之十軌為里故五十人為
小戎里有司帥之四里為連故二百人為卒連長帥
之十連為鄉故二千人為旅鄉良人帥之五鄉一帥
故萬人為一軍五鄉之師帥之公將其一國子帥五

鄉焉高子帥五鄉焉三軍故有中軍之鼓有國子之鼓有高子之鼓春以蒐振旅秋以獮治兵是故卒伍整於里軍旅整於郊內教既承令勿遷徙夜戰聲相聞足以不垂晝戰目相視足以相識凡三軍教士三萬人車八百乘蓋如鄉之法五鄙制鄙三十家為邑邑有司十邑為卒卒有卒帥十卒為鄉鄉有鄉帥三鄉為縣縣有縣帥十縣為屬屬有大夫五故立五大夫各使治一屬焉立五正各使聽一屬焉是故正之

政聽屬牧政聽縣下政聽鄉自邑積至於五屬為四十五屬家率九家得一兵得甲十萬九十家一車得車五千乘可為三軍者四蓋如遂之法以通國之數遞征之率車用六之一士用十之三大畧依周變從輕便正月之朝鄉長復事君親問焉嚴蔽明蔽賢下比之罰其賢者則鄉長進之官長書之公訾相之謂之三選國子高子退而修鄉鄉退而修連連退而修里里退而修軌軌退而修伍退而修家五屬大夫復

事擇其寡過者而摘亦嚴蔽賢蔽明下比之罰五屬
大夫於是退而修屬屬退而修縣縣退而修鄉鄉退
而修卒卒退而修邑邑退而修家政既成以守則固
以征則強

蘇氏曰子嘗讀周官司馬法得軍旅什五之數其後
讀管夷吾書又得管子所以變周之制蓋王者之兵
出於不得已而非以求勝敵也故其為法要以不可
敗而已至於桓文非決勝無以定霸故其法在必勝

繁而曲者所以為不可敗也簡而直者所以為必勝也周之制萬二千五百人而為軍萬之有二千二十之有五百其數奇而不齊是其知其所以為繁且曲也今夫天度三百六十均之十二辰得三十者此其正也五日四分之一者此其奇也使天度而無奇則千載之日雖婦人孺子皆以坐而計唯其奇而不齊是故巧歷有所不能盡也聖人知其然故為之章會統元以盡其數以極其變司馬曰五人為伍伍伍為

兩萬二千五百人而為軍二百五十十取三馬而為
奇其餘七以為正四奇四正而八陣生焉夫以萬二
千五百人而均之八陣之中宜其有奇而不齊者是
以多為之曲折以盡其數以極其變鉤聯蟠屈各有
條理故三代之興治其兵農軍賦皆數千百年而後
得志於天下自周之亡秦漢陣法不復三代其後諸
葛獨識其遺制以為可用以取天下然相持數歲魏
不敢決戰而孔明亦卒無尺寸之功豈八陣者先王

所以為不可敗而非以逐利勝者耶若夫管仲之制
兵其可謂截然而易曉矣三分其國為三軍五人為
軌軌有長十軌為里里有司四里為連連有帥十連
為鄉鄉有良人五鄉為師萬人為一軍公將其一高
子將其二三軍三萬人如貫繩如畫碁局踈暢通達
雖有智者無所施其巧故其法令簡一而民有餘力
以致其死昔者嘗讀左氏春秋以為丘明最好兵法
蓋三代之制至於列國猶有存者以區區之鄭而魚

麗鵝鷓之陣見於其書及至管仲陣法不少槩見者
何哉蓋管仲欲以歲月服天下故變古司馬而為是
簡畧速勝之兵是莫得而見其法也其後吳晉爭長
於黃池王孫雒教夫差以三萬人壓晉壘而戰陣為
行行百為陣行陣皆徹無有隱蔽援桴而鼓之勇怯
盡應三軍皆謹晉師大駭卒以得志由此觀之不簡
而直不可以決勝深惟後世不達繁簡之宜以取敗
此而三代什伍之數與管子所以治齊之兵雖不可

盡用而其近於繁而曲者以之固守近於簡而直者以之決戰則庶乎其不可敗而有所必勝矣

林氏曰如韋昭之說則是國內無農其六鄉為工商其十五則為兵而已五屬之地則皆農居之四民之外持有所謂士卒則是兵農分矣或曰齊變周制欲速得志於天下則釐國內之民在十五鄉者專使之為士卒亦必有田以授之第不使出租稅供他役庶調發雖煩而民亦不怨若其工商之六鄉為農之

五屬則皆不以為兵

或問宮正掌兵衛宮伯掌宿衛而兵衛宿衛則皆統於太宰何也曰宿衛不統於太宰則內外之勢有所限隔而賢否之人無所決擇事權將分政令將下移而錯出其禍有不可勝言者曰信如是說則九兵皆宿衛也虎賁之虎士何以掌於司馬司隸之隸何以掌於司寇司寇猶有可諉者曰是掌外朝與京師四夷之兵耳若虎士八百人自六軍之外獨此為王之

親兵乃不統於太宰而散於司馬何耶曰司馬亦聽命於太宰耳必散於司馬者內外雖有不可以不相統而彼此之勢則不可以不相持是故兵衛掌於官正而王親之兵與四夷之兵則掌於虎賁與司隸昔者西漢之世以期門羽林等為宮禁之親兵以衛尉掌宮門之屯兵而以城門校尉掌京師十二城門之屯兵及三輔所屬於中尉之兵所謂北軍蓋指環衛王宮在長安之內者言之所謂南軍蓋指十二門及

三輔屬中尉之兵在長安之外者言之及武帝增置
八校之軍兵以中壘益北軍以長水池陽胡騎益南
軍蓋北軍不出長安之外南軍不散在三輔之中八
校則包南北軍在其中矣是故周勃安劉氏乃北軍
制南軍之效劉屈氂發三輔近縣軍兵及長水宣曲
胡騎入長安與太子戰乃南軍制北軍之效宋朝有
閣門司皇城司又有殿前司皇城司有親從官數千
人入內侍省都知與副都知同主判之殿前司

有馬步軍殿前太尉獨統攝之是故皇城一司於內
庭宿衛無不預者而宿直禁衛無所統攝殿前一司雖
統攝諸班禁衛而皇城之事亦恣然不相關是漢以
南軍北軍相制而宋朝以皇城司殿前司相維持大
抵皆祖周人之遺意而其所為不同者漢南北軍雖
隸於三公而掌於太尉然皆以文屬而政令不行於
其間國朝則皆統於樞府周則皆統於冢宰此所以
遠過於漢也故嘗因是而考之以為周人宿衛之制

其別有五而其所以為宿衛之政令者其用則有四
蓋居則有宮中之徒役公卿大夫之士庶子以為環
列腹心之衛若宮正宮伯之所掌是也出則有虎士
八百人掌先後王而趨以卒伍視朝則在路門之右
若虎賁氏之所掌是也奉輿馬督扈從視朝則在路
門之左則有太僕以掌之所謂侍御僕從罔匪正人
是也執其兵器服以衛王之門外朝在野外則守內
列則有司隸以掌之所謂使其屬帥四夷之隸是也

由是言之環列腹心之衛非兵衛在內而不出虎士
之衛為重兵之衛王不出亦不行四翟之隸則以王
之出而環衛諸門侍御僕從之役則以王之出行而
飭整騶從此宿衛之別也然環列腹心之衛則為尤
重且急是故稽其功緒而糾德行會其什伍而教其
道藝所以勸之而使為善掌其糾禁而會其行事掌
其政令而均其秩序頒其衣裘而時其誅賞所以警
之而所為不惡去其淫怠與其竒衰之民所以不使

放僻邪侈之失德以亂宮中之政令宮正均外朝之
稍食內宰均內朝之稍食所以養人心之善而保護
廉恥之風此宿衛之政令也夫以貴游之子弟授之
以八次八舍之職掌以宮中之徒役而錯置於八次
八舍之中既勸其為善又禁其為惡既不使之混淆
又不使之喪廉恥若是則凡居王之左右前後備王
之顧問應對者孰非直諒多聞之士哉君子學道則
愛人小人學道則易使學問日新職業日修而王亦

中心無為日見正事而聞正言也其餘凡係於宿衛之兵者則大司馬教之太僕正之司隸令之師氏帥之內外相統而彼此相持雖名為兵而不聞有一武夫悍卒放慢詭譎之人得以廁迹於其間者每觀成王之季呂伋掌虎賁之士非有宰臣之命則呂伋不敢以擅發召公雖得以制命非有二諸侯將命以往則召公亦不敢以專行不惟內外相制而內之夾階而立堂垂執劉鉞而止戈刃者則又無非冠冕士大

夫是故春秋之際雖以僭竊之楚而環列之尹太師
猶得以掌之是猶有太宰統宮正宮伯之意區區之
曹荷戈與爰猶有賢者如候人之詩是德行道藝猶
未有愧於宮正宮伯之所掌也乃若西漢之興雖祖
周人之故意而定內外之制然已駁雜而不純矣雖
然漢猶古也不惟南北軍隸於三公而衛尉光祿勳
皆屬於丞相御史光祿勳歲以四科考第即從官凡
更直執戟內謹門禁外充車騎者無非以經明行修

者為之故當時諸呂之亂滕公除宮左右執戟不肯
去代王入未央宮謁者執戟衛端門不得入其後效
亦畧可觀矣自武帝使世家富人犯令而入財者皆
得補郎而郎選於是始衰自期門羽林欽飛之屬及
隸於光祿勳以為天子私人而兵衛於是始變自宣
帝又發羽林孤兒欽飛射士征西羌而禁衛始紛紛
輕出光武以來其制益壞矣京師止置北軍而八校
之兵併為五營南軍不復有焉中衛不掌京輔士卒

城門不置屯兵郡國罷材官車騎之屯而衛尉不聞更戍之士於是北軍分為宦官所親竇武誅宦官雖召會北軍五校士數千人未幾即散降王甫外既不足以制內而內之所存者又未嘗教之使知義焉魏晉而降光祿勳不復居禁中士大夫不復與宮衛直閣帶刀變生肘腋唐興置左右金吾衛將軍掌宮中及京師之巡警烽堠凡翊衛及外府伙飛番上者皆屬焉而文武於是判然兩途德宗之世權移近習宦

官握禁兵而廢立在其手矣及覈魏晉李唐之亂參
觀兩漢之盛衰吾然後知周官之制不可廢有宮正
宮伯矣不可以無虎賁無司隸有宮正宮伯與夫虎
賁司隸之屬矣又不可以無太宰以兼統之

周兵總論

按周官小司徒五人為伍五伍為兩四兩為卒五卒
為旅五旅為師五師為軍上地家七人可任也者家
三人中地家六人可任也者家五人下地家五人可

任也者家二人此教練之數也司馬法地方一里為井四井為邑四邑為丘四丘為甸甸六十四井有戎馬四疋兵車一乘牛十二頭甲士三人卒七十二人此調發之數也教練則不厭其多故凡食土之毛者除老弱不任事之外家家使之為兵人人使之知兵故雖至小之國勝兵萬數可指顧而集也調發則不厭其簡甸六十四井乃為五百一十二家而所調者止七十五人是六家調發共出一人也每甸姑通以

中地二家五人計之五百一十二家可任者一千二百八十人而所調者止七十五人是十六次調發方及一人也教練必多則人皆習兵革調發必簡則人不疲於征戰此古者用兵制勝之道也後世士農自為士農工商末技自為工商末技凡此四民者平時不識甲兵為何物而所為兵者乃出於四民之外故為兵者甚寡知兵者甚少一有征戰則盡數驅之以當鋒刃無有休息之期甚則以未嘗訓練之民而使

之戰是棄民也宋唐以來始專用募兵於是兵與民判然為二途諉曰教養於平時而驅用於一旦然其季世則兵數愈多而驕悍而劣弱為害不淺不惟足以疲國力而反足以促國祚矣

周禮治民制兵之法

儒先之說曰六鄉七萬五千家六軍七萬五千人居則為比閭族黨州鄉行則為伍兩卒旅師軍是故人服習而政便安上易事而民易使此周人之法所以

為善也夫兵不外乎民將不出乎吏此說是矣惜乎
知其一而未嘗會其全也夫使王之所以守國者止
此六軍苟事變紛沓如天子巡狩於方岳敵國交侵
姦宄竊發王城要害之並守遠近征討之迭用將何
以為備耶蓋鄉遂近郊二百里之地為田六十四同
當有一百六十萬餘家以丘甸出車之法計之當為
五十餘軍矣苟謂一家出一人而有十二軍之衆則
二百里內豈止十五萬家而已乎故以鄉而言約二

十五軍遂亦如之此猶後世之京軍以居守為重而不廢弛者也每都鄙各有鄉遂之兵視夫侯國之制而在野則有井邑丘甸出軍之賦此猶後世之畿輔軍各守衛其國都而拱護王畿者也故凡有大故致萬民於王門大喪用役凡事致野役此惟鄉遂之民有之也大事致民用之軍役旅田役大故致餘子令各守其閭由鄉遂至都鄙定法皆然也至於大司馬所握之六軍通王畿千里之內相更休而調遣之每

以十分有餘而用其一觀四時教閱之旗物號令必兼州里野家都鄙而並陳之可見矣其在王國則用之以為會同軍旅田役喪紀其出畿外則用之以為巡狩征討此皆公卿大夫各帥其鄉遂都鄙采地之民在後猶更番上直郡國調遣之兵故鄉遂之征止十一與十二而三用一而休九至丘甸稍縣都則其征十二用一而休四大較天子之役民近數而遠疏故大司馬之用衆近輕而遠重豈有專以六鄉為六

軍之理苟比即為伍人人盡用歲歲無更休豈自古
制軍之法且六鄉盡用而千里則居然無事何其勞
逸不均況六軍每出則天子之近郊擴然無人胡以
居守此皆悖理之大者昔人何不察此耶以此觀之
則五等之國其三軍二軍一軍皆通於四疆可以類
推矣學禮者尚詳之

漢南北軍總叙

漢之兵制莫詳於京師南北軍之屯雖東西兩京公

革不常然皆居重馭輕而內外自足以相制兵制之善者也蓋是時兵農未分南北兩軍實調諸民猶古者井田之遺意竊疑南軍以衛宮城而乃調之於郡國北軍以護京城而乃調之於三輔抑何遠近輕重之不倫耶嘗考之司馬子長作三王世家載公戶滿意之言曰古者天子必內有異姓大夫所以正骨肉也外有同姓大夫所以正異族也蓋同姓親也於內為逼故處於外而使之正異族異姓疏也於親為有

間故處於內而使之正族屬南北軍調兵之意殆猶是歟郡國去京師為甚遠民情無所適莫而緩急為可恃故以之衛宮城而謂之南軍三輔距京師為甚近民情有間里墳墓族屬之愛而利害必不相棄故以之護京城而謂之北軍其防微杜漸之意深矣

--	--	--	--	--	--	--	--

漢南北軍圖

衛尉兵

二萬人見武
帝建元九年
郡國材官騎
以充之

京北

十二城
門校尉
屯兵

內北軍

中尉兵

掌巡檄
京師即
三輔之
兵番上
以充之

外南軍

馮翊

八枝

中壘北
屯騎北
步兵北
越騎南
射聲北
敵騎北
長水南
虎賁北

衛將軍

文帝置後
復罷之

扶風

此軍屯
於宣曲
池陽

郡國有材官騎士

八枝包南北軍

按漢軍南北之制雖與成周之兵農合一者異矣然三輔之兵入衛殿門出充車騎固有以一其中外之權聯其渙散之勢且三輔之設拱衛京師緩急相應猶為得體經國者當詳其制云

按自古建都者皆於四近之地立為輔郡所以為京師屏蔽也漢以京兆左馮翊右扶風為三輔唐以華州同州鳳翔為輔宋初未遑建立至徽宗亦於畿郡立為四輔我朝建國江南於鳳翔七重兵凡京師

軍皆散於江北淶和等處為屯田雖不名輔而儼然有藩屏之意太宗自北平入正大統然而畿甸猶未有輔郡蓋有待也按漢唐都長安宋都汴梁皆去邊地遼遠非若我朝都燕則自以都城為北邊捍蔽北最近而東次之西又次之南為最遠請如漢唐宋故事立為輔郡以宣府為北輔因其舊而加以藩守之軍俾守國之北門其東也以永平為輔以守松亭一帶關隘及扼遼左要害其西也以易州或真定為

輔以守紫荊一帶關隘其南則以臨清為輔坐鎮牖河而總扼河南山東之衝又自此而南屯兵於徐州以通兩京之咽喉罷兩直隸河南山東上京操備班軍因地屯守以為京師之屏蔽遇京師有事則調發軍士遂室家之願而生息日蕃國家省轉輸之勞而調發易集邊方足備禦之具而關隘有守如此則都城鞏固宗社莫安矣

按南軍衛宮城以郡國兵番上為之則在外而且遠

北軍護京城以三輔兵番上為之則在內而且近此
其意何耶蓋三輔在內而近有閭里親戚之愛以之
護京師而無心腹之憂郡國在外而遠人無覬幸非
常之望以之衛宮城則無肘腋之變亦如師氏帥四
隸守王門王宮朝在野外則守內列蓋謂是歟

古者前朝後市一城之中王宮在南故衛宮之軍以
南名之宮城之軍既謂之南京城之軍又謂之北所
以別也南京衛尉主之

百官表衛尉掌宮門內屯兵
師古注漢舊儀云衛尉寺在

宮內胡廣云主宮闕之門內衛士於周垣下為區廬以此考之則南軍在宮內

按百官表衛

尉掌宮門屯衛兵而高后紀言周勃既將北軍然尚

有南軍乃令平陽侯告衛尉無納呂產以此知南軍

衛尉主之也又按百官表百官志西漢中壘校尉主

北軍營壘之事至光武變為北軍中候而西漢之初

中尉屬官有中壘令丞尉而中尉所職乃巡徼京師

以此知北軍為京城軍而中尉主之此漢初之志也

漢武帝增八校改中尉名為執金吾

錢曰漢京師惟有南北二軍亦如

唐之南北二衙也

唐兵志南衙衛尉是北衙禁軍是

胡廣謂衛尉巡

行於宮掖則金吾徼於宮外相為表裏

東漢兵志注

而唐

李揆亦云漢以南北相制然二軍衛士皆調發郡國

材官騎士更番為之初未始有定在

中壘屯騎射聲越騎長水北騎

步兵虎賁

募知北人事者為北騎知越人事者為越騎皆

屬中尉而北軍始有召募之兵復恐中尉之權太重

乃於光祿勳增置羽林期門為宿衛而與衛尉同掌

軍門而南軍始有長從之兵方漢之初京城兵猶未

遠出

高帝發中尉卒止軍霸上文帝發中尉材官止軍長安或謂材力調發民間即非南北軍也

至武帝則發中尉卒擊南越

元鼎元年

而京師之兵始從

遠調昭宣以來禁旅之列屯如故有警則發雖金城

去京師遠絕而羽林孤兒北騎越騎亦從此而遣矣

神爵元年西羌反發羽林孤兒南越騎詣金城元帝以太常任千秋將五校擊西羌

自是而後

益募外兵以從軍而更代之法浸弛

昭帝募吏民衛京師宣帝選郡

國吏三百名伉健者從軍

至光武一切倚重於京師之兵而郡國

都尉省併矣

光武省八校作五營時中壘屬北軍中候掌監五營為宿衛兵郡國無都尉惟

京師隸兵如故又罷天下輕重騎士材官樓船居邊民伍而不知漢初京城之兵

亦從郡國而番上也此後所以有列屯養兵之費歟

兩漢內外兵始末

按高帝之世南北二軍不出而民兵在郡國有事以羽檄召材官騎士以備軍旅文帝始以銅虎符代檄當時各因其地以中都官號將軍將之事已則罷京師南北軍當武帝更太尉為大司馬大將軍以中尉材官出擊南越恐京師無重兵而生變於是分北軍

為八校以中壘領之置七校尉後又取中尉屬官所

謂中壘者進為校尉為八校又恐北軍之權太重

中即

壘

故於光祿勳

南軍

增羽林期門之兵此南北相制之

意頗亦稱善然其間漸多更張矣蓋異時南北軍皆

郡國番上自武帝置八校大抵以習知南北人充之

知北事者為北騎
知越事者為越騎

則募兵始此期門羽林皆世家為

之則長從始此自是始有養兵之費而兵師之兵制

壞矣元狩以後兵革數動民多買復調發之士蓋鮮

於是發及謫吏次及謫戍次及七科謫多非曩日隸於都尉者充兵而伍符不整則郡國之兵制又壞矣是故昭宣以來其弊日甚發民從軍益少遂募及奔命調及惡少刑徒選及三百石吏而又以羽林俠飛北騎越騎從事則南北從此出矣紛紛無復舊制皆自武帝起之也及光武一起而變之兵制又蕩然矣蓋自其罷都試而外兵不練雖疆場之間廣屯增戍列營置塢而國有征伐終藉京師之兵由建武迄於

漢哀匈奴鮮卑更迭為患或遣將出擊或移兵留屯連年暴露奔命四方而禁旅無復禁衛之職矣至永

初

安帝

間募入錢穀得為羽林虎賁緹綺營士而營衛

之選亦衰延熹

桓帝

間詔減羽林虎賁不任事者半俸

而京師之兵又弱矣外之土兵不練而內之衛兵不精一方盜起則羽檄被於三邊至興兗豫之卒擊象林萬里之寇而民始不堪命矣亦何怪交趾女真之兵之叛也逮於永建間

桓靈

方且令郡舉五人教習戰

事射又募為陷陣為積射為義從大抵非召兵良法
雖或委任段熲盡滅諸寇而中平初黃巾遂作所在
盜起於是置八都尉黃巾既殄而蕭牆之禍興蓋自
中世以後令出房帷政歸臺閣宦戚更領兵權迭相
傾奪然中營畏服中人陳竇欲誅宦官北軍不助武
等而助宦官遂又滅夷何武袁紹懲其事故欲藉外
兵以懲於是內置園校陽尊奄宦外重州牧實召邊
將董卓以并州牧將兵闔宦雖除而卓患已成義兵四起郡牧

爭政漢遂三分論者乃謂原漢盛衰皆兵之由而先武實為之有由然矣

唐府兵總叙

唐志言凡天下十道置府六百三十四皆有兵號而關內二百六十有一皆以隸諸衛會要云折衝府二百八十通計舊府六百三十三陸贄奏議則以為太宗置府八百在關中者五百杜牧原十六衛上畜養戎臣外開折衝果毅府五百七十有四其數不同府

多在關中說者以為固本漢置都尉亦此意左右衛
皆領六十府諸衛領五十至四十其餘以隸東宮十
率府而折衝亦隸焉太子管軍非古制也唐亦是折
衝自教漢都試之日郡縣之官盡會唐之府兵雖散
在諸道然折衝都尉並遙隸於諸衛乃是內任官故
官志係之於諸衛之後不與外官同漢都尉不隸於
衛尉乃是外任官故表係之郡守之後與唐異然而
領兵則太守與都尉刺史與折衝同矣唐以遠近分

番皆以一月恐太紛擾漢以一歲更代為善又唐在二千里外者亦不免此法所以壞也吾觀李泌告德宗曰府兵之制史冊不詳於是參稽傳記以類焉蓋府兵之制始於西魏因於周隋而大備於唐二十為兵六十而免而民無常兵之勞三時耕稼一時治武而兵無常聚之患六家而賦一兵是不悉民以為兵也六家而併一兵是不仰給於官也宿衛者一月而更戍兵者三年而代則所以役民者甚簡也置府六

百而居關中者三百六十舉天下不敵關中所以明
乎輕重之勢兵散於府將歸於朝而無握兵之重所
以杜乎禍亂之原若夫器甲則出於民戍兵衣糧則
又取辦於民國無養兵之費唯元從禁兵與番上衛
兵或出征者有所給焉至於教戰調發亦有可考者
折衝以農隙教戰陣按閱不精則罪至折衝并及刺
史此其教戰者也國家有所召發則下符契於郡府
參驗乃發此其調發者然也夫府有三等千二百人

為上千人為中八百人為下府有折衝都尉左右果
毅都尉又有別將長史兵曹校尉旅師等官以其等
級相統治則有坊團隊之制居無事時耕於野有事
則命以出兵解輒罷其所以纖悉委曲為維持經久
之計者誠三代而下近古之良法也故李泌謂德宗
曰貞觀中北滅突厥延陀西取龜茲盡臣西域滅吐
谷渾高宗滅高麗百濟新羅皆府兵也自置府兵未
有外叛內侮殺帥自擅者正以經畫得宜而區處之

盡善也杜牧作原十六衛亦曰國家始踵隋制開十六衛將軍屬官各守分部夾持禁省自貞觀至於開元百三十年間戎臣兵伍未始逆命此聖人所能柄統輕重制鄣表裏聖算神術也古今以還法術最長其置府立衛乎然不一再傳而弊端已見接於開元其制因以廢墜是豈立法之不善蓋所以守之者非其制也且始者宿衛之士月上而歲徧至高宗則番役更代多不以時始者番上宿衛謂之侍官至武

后則悉假姻戚以充役使宿衛之士固亦有亡匿之患矣始者出征多不踰時遠不經歲高宗命劉仁軌鎮洮河而兵始困於久戍始者戰没行陣則官其子孫高宗以後官不紀錄而兵非樂於征戰又州縣調發類不以實壯而富者以財免貧而老弱者不得免而逃焉州縣之兵於是又有逃亡之患矣逮至開元玄宗之時衛士不給府兵寡弱是以張說募彊騎以為長從宿衛而番上之制已廢李林甫募長征兵以

息山東之戍而邊戍之制又廢自是而後兵農既分不可復合於是有養兵之費矣至其甚也止受甲天寶以後彊騎之法又稍變廢士失拊循折衝諸府至無兵可交李林甫邊請停上下魚書其後徒有兵額而戎器並廢祿山之變至無兵可以受甲至永泰建中之世其弊尤甚故獨孤及陸敬輿諸人皆言其弊以為竭天下之財以供無用之兵財利置於兵稅法壞於奉軍豈非兵民既分其弊遂至於此歟加以天

寶以後人主甘心邊功調發遠戍民益無以為生杜
子美所謂一從十五北防河便是四十西營田去時
里正與裹頭歸時頭白還戍邊亦可見矣世之說者
見府兵後日之弊遂歸咎於太宗立法之不詳蓋亦
未深攷焉耳張說不能因時救弊以復貞觀之舊顧
乃立苟簡之制以便目前畧不思異時之患遂使古
人良法美意因不復見終唐之世根本不固國勢動
搖失居重馭輕之意者說亦不得不任責焉其後雖

李泌與德宗議復府兵非不拳拳而終不可復杜牧傷其廢壞慨然作原十六衛以自見意而一代之制竟無有能興起者豈非其源一失後世難以復攷歟識者觀古制之不存後世蓋不無恨於張說也

諸史皆不志兵惟歐陽公作新唐史乃志史以唐兵有井田遺意也惜乎不保其往耳嘗觀太宗起晉陽之甲未免於智數開天府推刃同氣亦未免於詐力天下既定因周齊之制置十六衛將軍內統北

門百騎七營屯騎謂之北衙禁軍外統關內天下諸
府番上宿衛者謂之南衙衛兵是則北衙即漢之
北軍而南衙即漢之南軍也安得有井田鄉遂之
遺意哉蓋後周府兵講閱戰陳皆於農隙身租營
調一切蠲除北齊租調之制十八受田二十充兵六
十免力役是則周齊之兵皆受田矣唐沿周齊有口
分世業田三衙隊正副各八十畝諸府坊團有主掌
督課農桑是則唐兵亦受田矣兵農一致所以得井

田之遺意歟井田之制漸壞於春秋戰國故鄉遂變而為技擊銳士者勢也口分世業既開貿易之門而府兵變為彊騎者亦勢也況北衙禁軍自睿宗平韋氏之亂左右屯營欲避征戍者皆納資以隸軍而府兵之家不免雜徭千里番上宿衛召為侍官安得不逃匿而耗散乎此府兵所以變為彊騎為藩鎮者何如哉太宗務廣地諸邊都護諸道經畧大將大總管大都督即藩鎮之漸也自開元而上北衙禁軍諸府

衛兵尚可枝梧太平日久至天寶末府兵既壞而曠騎之為禁軍者又復單弱元宗幸蜀從者千人肅宗幸靈武士不滿百自是以來調捕禁衛又皆以宦者主之此所以禁衛弱於上而藩鎮強於下也然則開貿易而馴致府兵之壞務廣地而遂成藩鎮之弊是則太宗之過至於玩太平而不能振起前人之制疑大臣而以宦官主之激成藩方之僭者玄宗肅宗不能逃責矣

唐府兵圖

上府 百十二人

折衝都尉

左果毅都尉
右果毅都尉

同
長史一人

中府

折衝都尉

左果毅都尉
右果毅都尉

兵曹一人
別將一人

下府 八百人

折衝都尉

左果毅都尉
右果毅都尉

同
校尉一人

坊 高祖置

坊主 一人

羽林軍 高宗

龍武軍 玄宗

團 三百人

校尉

神武軍 肅宗

隊 五十人

隊正 禁軍

神策軍 代宗

英武軍 代宗

火 十人

火長

天威軍 順宗

神威軍 德宗

全唐文卷一百十六
統軍為折衝都尉別將為果毅都尉三時務農一時
講武無事耕耨有事征戰籍藏將府兵散田疇將不
握兵兵不冗食

唐府兵考

太宗貞觀十年更號統軍為折衝都尉別將為果毅
都尉諸府總曰折衝府凡天下十道置府六百三十
四皆有名號而關內二百六十有一皆以隸諸衛凡
府三等兵千二百人為上千人為中八百人為下府

置折衝都尉一人左右果毅都尉各一人長史兵曹
別將各一人校尉六人士以三百人為團團有校尉
五十人為隊隊有正十人為火火有長火備六馱馬
凡火具烏布幕鐵馬孟布槽鍤鑿碓筐斧鉗鋸皆
一甲牀二鍤二隊具火鑽一胸馬繩一首羈足絆皆
三人具弓一矢三十胡祿橫刀礪石大鷹氈帽裝行
膝皆一麥飯九斗米二斗皆自備并其介冑戎具藏
於庫有所征行則視其入而出給之其番上宿衛者

惟給弓矢橫刀而已凡民年二十為兵六十而免其能騎而射者為越騎其餘為步兵武騎排攢手步射每歲季冬折衝都尉率五校兵馬之在府者置左右二校尉位相距百步每校為步隊十騎隊一皆卷稍幡展刃旗散立以候角手吹大角一通諸校皆斂人騎為隊二通偃旗稍解幡三通旗舉左右擊鼓二人校之人合譟而進右校擊征隊少却左校進逐至右校立所左校擊鉦少却右校進逐至左校立所右校

復擊鉦隊還左校復薄戰皆擊鉦隊各還大角復鳴
一通皆卷旛攝矢弛弓匣刃二通旗稍舉隊皆進三
通左右校皆引還是日也因縱護各入其人其隸於
衛也左右衛皆領六十府諸衛領五十至四十其餘
以隸東宮六卒凡發府兵皆下符契州刺史與折衝
勘契乃發若全府發則折衝都尉則下皆行不盡則
果毅行少則別將行當給馬者予其直市之每足予
錢二萬五千刺史折衝果毅歲閱不任戰事者鬻之

以其錢更市不足則一府共足之凡當宿衛者番上
兵部以遠近給番五百里為五番千里七番一千五
百里八番二千里千番外為十二番皆以月上若簡
留直衛者五百里為七番千里八番二千里十番外
為十二番亦月上

唐書兵制唐有天下二百餘年而兵之大勢三變其
始盛時有府兵府兵後廢而為彍騎又廢而方鎮之
兵盛矣及其末也強臣悍將兵布天下而天子亦自

置兵於京師曰禁軍其後天子弱方鎮強而唐遂以
減亡者措置之勢使然也蓋府兵之制居無事時耕
於野其番上者宿衛京師而已若四方有事則命將
以出解輒罷兵散於府將歸於朝故士不失業而將
帥無握兵之重所以防微杜漸絕禍亂之原也及府
兵法壞而方鎮盛武夫悍將雖無事時據安險專方
面既有其土地又有其人民兵甲財賦以布列天下
然則方鎮不得不強京師不得不弱夫置兵所以止

亂及其弊也適足以為亂又其甚也至困天下以養亂故兵之始重於外也土地民賦非天子有既其盛也號令征伐非其有其末也至無尺土而不能庇其妻子宗族遂以滅亡可不哀哉

古之兵皆出於民者也故民附則兵多而勃然以興民叛則兵寡而忽焉以亡自三代以來皆然秦漢始有募兵然猶與民兵參用也唐之中世始盡廢民兵而為募兵夫兵既盡出於台募於是兵與民始為二

矣兵與民為二於是兵之多寡不關於國之盛衰國
之存亡不關於民之叛服募兵之數日多養兵之費
日浩而敗亡之形反基於此唐自天寶以來內外皆
募兵也外兵則藩鎮擅之內兵則中人擅之其勢不
相下而其力足以相制故安史反叛而郭子儀李光
弼以節度之兵誅之朱泚僭亂而李晟渾瑊以神策
之兵誅之及其衰宦官則以內兵而却制人主方鎮
則以外人而擅廣土地及朱溫舉兵內向盡夷中人

廢神策而唐之鼎祚移於內楊行密錢鏐馬殷王建
劉仁恭李茂貞之徒以卒伍竊據一方而唐之土宇
裂於外而唐遂亡矣中更五代則國擅於將將擅於
兵卒伍所推則為人主而國興焉非以得其民也其
所廢則為獨夫而國亡焉非以失其民也宋有天下
藝祖太宗以兵革削平海內暨再傳則兵愈多而國
勢愈弱元昊小醜稱兵構逆王旅所加動輒敗北卒
不免因循苟且置之度外洎女真南牧徵召勤王之

師動數十萬然援河北則潰於河北援京城則潰於
京城於是中原拱手以授金人而王業偏安於江左
建炎紹興之間驕兵潰卒布滿東南聚為大盜攻陷
城邑荼毒生靈行都數百里外率為寇賊之淵藪而
所謂寇賊者非民怨而叛也皆不能北向禦敵之兵
也張韓劉岳之徒以輔佐中興論功行賞視前代衛
霍褒鄂曾無少異然究其勲庸亦多是削平內寇撫
定東南耳一遇女貞非敗則遁縱有小勝不能補過

而卒不免用屈已講和之下策以成宴安江左之計
及其末也夏貴之於漢口賈似道之於魯港皆以數
十萬衆不戰自潰於是賣降効用者非民也皆宋之
將也先驅倒戈者亦非民也皆宋之兵也夫兵既不
出於民故兵愈多而國愈危民未叛而國已亡唐宋
是也噫兵猶手足也國猶身也手足強壯則身存手
足枯槁則身廢兵多則國存兵少則國亡未有以兵
多而國亡者今唐兵雖多而強悍不為用猶病狂易

之人奮拳舉爪自陷其膚自屠其腸以至於殞身也
宋兵雖多劣弱而不可用猶病痲痺之人恣其芻豢
以養擁腫之四肢脛如腰指如股而病與之俱增至
於殞身也然則所以覆其國者乃兵也所以斃其身
者乃手足也又古者籍民為兵其法不過因其戶田
之可賦者賦之年齒之可任者任之民固不容於倖
免而亦不可以濫入司馬法曰使智使勇使貪使愚
蓋言戶盡為兵則君子小人賢與不肖俱出其間也

自募兵之法行於是擇其願應募者而所謂願應募者非游手無籍之徒則負罪亡命之輩耳良民不為兵也故世之詈人者曰黥卒曰老兵蓋言其賤而可羞然則募兵所得者皆不肖之小人也夫兵所以耗國而皆得不肖之小人則國之所存者幸也紀綱尚立威令尚行則猶能驅之以親其上死其長否則敗潰四出反為生民之禍而國祚隨之矣可勝慨哉

丘氏濬曰成周之制兵籍於大司徒征行則屬之大

司馬凡其有事以起徒役則皆前日之農也士不待
遷皆吾民將不改置即吾吏居則聯其家而為比閭
族黨出則聯其人以為伍兩卒旅父死而子繼無招
致之繁而數不缺自耕而自食無廩給之費而食自
飽豈非制兵之得其道歟嘗謂果能行弘治初令州
縣選取民壯之制亦庶幾成周遺意惜乎行而不終
今日惟從事朋合混編雇募頂役也所以猶未合古
未盡善歟

或曰子何以言今日衛兵之弊極也曰虛名而無實
也有損而無益也百害而無一利也何也今總計天
下實在衛所官軍之數猶踰九十萬除西北諸邊兵
約三十萬為稍得其用其兩京及腹裏六十萬餘徒
為贅物而已徒為耗蛀而已非特徒為贅物耗蛀而
已而且易為亂階有司給糧稍不如期輒羣起詬譟
思欲為變甚至戮辱官吏焚掠居民朝廷無如之何
惟事姑息而已語云養軍千日用在一朝今國家倉

廩大半費於兵不惟無一朝之用而且伏無窮之禍
胎焉語曰兵以衛民今有警惟恐折傷官軍顧驅鄉
兵募打手以當寇反役民以衛兵焉嗚呼有兵如此
不如無之兵而無用曷若已之而議者猶憂軍伍之
不充每司府州縣各置清軍官而歲差御史督之亦
弗思甚矣愚謂今每衛縱使清勾填補充滿舊額亦
不過徒增贄物徒增耗蠹徒益禍胎事竟何益故愚
以為不若罷軍勿清傳清軍官勿置勿差而從事選

取民壯之制以倣寓兵於農斯為更化善治可久可

繼

唐府兵之法始一寓之於農史稱其居處教養畜財持事動作休息皆有節目居無事時耕於野其番上者宿衛京師而已若四方有事則命將以出事解輒罷兵散於府將歸於朝故士不失業而將帥無握兵之重所以防微杜漸絕禍亂之萌此唐初之所以盛由寓兵於農也至開元中承平日久府兵法壞張說

李林甫始奏募人為長征兵卒啟方鎮跋扈之禍李
泌謂其兵不土著又無宗族不自重惜忘身徇利禍
亂遂生下陵上替不可救止歐陽修唐史謂置兵所
以止亂及其弊也適足以為亂又其甚也至因天下
以養亂而遂至於亡焉此唐室後來之禍皆原於輕
變府兵之法而兵農為二也

蘇軾曰三代之兵不待擇而精蓋兵出於農有常數
而無常人國有事要以一家而備一正卒民各推其

家之壯者以為兵使之足輕險阻而手易器械聰明
足以赴旗鼓之節強銳足以犯死傷之地千乘之衆而
人人足以自捍故殺人少而成功多費用省而兵卒
強後世兵民既分兵不得復還為民於是始有老弱
之卒徒為無益之費而不可使戰由此言之寓兵於
農之制誠行則兵可強費可省無將帥專兵之虞無
募兵潰亂之禍永世保民之道莫加於此我太祖平
一天下設置衛所分在內外為衛者四百九十有三

為守禦所者三百一十有七每衛旗軍以五千六百
名為率每所以一千一百餘名為率可謂盛矣然承
平日久武備廢弛軍士逃亡故絕者過半甚至十無
二三其存者率多懦弱不堪雖每歲勅差御史清
勾司府州縣皆設官清理然亦徒有其名無益於事
今雖逃亡耗缺之餘總計天下實在兵帳猶逾九十
四萬而西北邊兵且四十萬然近年夏人深入我并
汾虔劉我畿甸如蹈無人之境諸衛之兵曾不能向

敵發一矢交一戰今縱清勾充滿衛伍亦徒耗國儲
而何益於勝負之算保障之功也哉語曰養軍千日
用在一朝今國家竭帑庾以供軍而實何嘗得一朝
之用如此雖有衛猶無衛也雖有軍猶無軍也朱子
有曰今朝廷盡力養兵嘗有不足之患自兵農既分
之後計其所費却是無日不用兵也觀之今事實然
唐兵始末

唐兵志曰唐有天下三百年而兵之大勢三變其始

盛時有府兵府兵後廢而為彊騎彊騎又廢而方鎮
之兵盛矣及其末也強臣悍將兵布天下而天子亦
自置兵於京師曰禁兵其後天子弱方鎮強而唐遂
以亡滅者措置之勢使然也呂東萊曰唐之制兵其
所以處內之制何其曲盡處外之制何其疎戾也人
以為兵衛之法壞而後有方鎮之兵不知府衛之法
成而方鎮之形已具府衛壞於內而方鎮遂成於外
內兵不足以捍內患而至於外倚鎮兵其來非一日

之積矣蓋太宗既分天下為十道而以軍政戍之兵為十道而至使處之總之以都督者此其為方鎮已形之兆特待時而張耳以天下之極邊為天下之重鎮而撫之以都督其品秩與十衛將軍同迺在六尚書之上而與左右僕射為一流所謂五大不在邊者果若是乎天寶之際沿邊置十節度經畧使凡鎮兵四十九萬馬八萬餘匹而安祿山遂以范陽反當是時府兵之法已再壞矣其初壞也張說募兵補之謂

之彊騎又其壞也折衝諸府無兵可交李林甫奏停
上下魚書但有兵額存耳而六軍宿衛皆市人不復
受甲更此二壞掃地無餘於是外兵盛強其反者以
鎮兵而討平之者亦以鎮兵居重馭輕之意不復反
矣今為唐兵三變之說者曰府兵變而為彊騎則可
謂彊騎變而為方鎮特未之考耳總之兵志叙其流
東萊究其源兩說亦不甚相背復玩當自得之

宋兵總叙

兵之不出於農久矣然前代尚有府兵之制番上遞
依教習精練至於國用少則費耗宋朝沿近代養兵
之法一係名籍非老不休中下一兵衣糧給與歲約
五六十緡則其中可容冗者乎太祖朝得周代之兵
中外一十二萬後平全蜀揀其精兵只留一百二十
人則鎮南諸國之兵所留者可知矣及乾德中外之
兵却只揀成十萬蓋要人人精銳也太宗盡有天下
所添兵士不過三十餘萬真宋當全盛之世添兵至

多亦不過五六萬尚慮耗費財用時命減去冗者自慶厯以來添兵數廣軍額天下至一百餘萬不問精勇但要張皇人數欲威四裔則未能致勝欲禦盜賊則未能止奸但費財用竭天下之力神宗嘗謂輔臣曰藝祖養兵止二十萬京師十餘萬諸道十餘萬使京師之兵足以制諸道則無外亂合諸道之兵足以當京師則無內變內外相制無偏重之患觀神宗所言宋初兵制未嘗不善然其所以至於冗費不可支

者蓋盡由於契丹元昊之邊患哉觀孫經緯云兵一而已矣今內外之兵百餘萬而別為三四又離為六七別為三四禁兵也廂兵也民兵也蕃兵也離為六七者謂之兵而不知兵者也給漕輓者皆兵也服工事者皆兵也繕河防者皆兵也典誰河者皆兵也衛陵寢者皆兵也給國馬者皆兵也疲老而坐食者皆兵也前世之兵未有猥多於今者也前世制兵之害未有甚於今日者也吁宋朝兵制亦可以鑒矣

按殿前司與侍衛司馬軍步軍為三衛其實兩司而侍衛司都指揮使外又置馬步軍都指揮使耳殿前司亦參馬步軍而總於都指揮使故殿前司都指揮副都虞候侍衛親軍都指揮使副都虞候與馬軍步軍都指揮使副使虞候兩司三衛合十二員分天下兵而領之此宋家制兵之大要也始唐制有十二衛兵後又有六軍十二衛兵為南衙漢之南軍也六軍為北衙漢之北軍也永年常以大臣一人總之如崔

唐判六軍十二衛是也宋自有兩司六軍諸衛漸廢
後但有其名則兩司不獨為親軍而已天下之兵柄
在焉其權雖重而軍政號令則在樞密院與漢周之
間史弘肇之徒為之者異矣按宋沿唐重樞密院懲
藩鎮之弊而唐末設樞密祇能奪宰相權藩鎮之禍
卒不免也低昂之勢相因設樞密以弱藩鎮藩鎮弱而邊
備日弛唐之藩鎮兆於武德置使十道為都督品在
尚書上弊源有屬何必肆其中以遙為制方且不積

牙而九節度之分封肅宗已成其勢平盧之自立
代德已遂其橫樞密其何能為宋並兩府不圖飾武
於外徒置副置使置知院置同知置簽書置直學士
都承旨檢討編修奚禦元金之烈本朝武備布列中
外其柄權一主於內然掌握在五府調發在本兵二
者不相假借侵奪其在諸鎮各練以為本方之用非
奉勅不得宣調此其勢執於朝廷實無強幹弱枝之
弊宋養兵二十三萬京師諸道各參以半制諸道而

當京師神宗之所自誇者孰知偏重之患更復倚於
是乎本朝兵不較數各隨其地而永適於用其偏重
之權則盡除之是以不必煩於兼互而血脈無不貫
通也

宋三衙四廂兵制

殿前軍指揮使副使都虞侯侍衛馬軍都指揮使副
都虞侯侍衛步軍都指揮使副使都虞侯

捧日天武四廂都指揮使龍衛神衛四廂指揮使蓋

殿前有捧日天武馬軍有龍衛步有神衛謂之上四軍各有左廂右廂廂各有三軍殿前有神威宣武驍騎各上下軍又有寧朔驍騎虎翼各三軍馬軍有馬騎武騎步軍有虎翼左右各三軍

宋以仁得天下未始倚兵以為重也然定都陳留四面抗敵其勢亦必資於兵而所聚之兵有三衙四廂或合而為三或分而為三或殿前居侍衛之下或侍衛居殿前之上其故可得而稽也蓋侍衛起於後唐

殿前起於周之顯德國家侍衛親軍有都指揮使有副使有都虞候殿前亦然而下於侍衛故雖殿前都指揮亦在侍衛都虞候之下自王起罷職無復任者而侍衛馬軍步軍遂分為二與殿前號為三行馬步二軍始居殿前之下矣捧日天武四廂屬之殿司龍衛神衛四廂屬之馬步二司謂之主四軍謂之八柶梯入則侍衛殿陛出則扈從乘輿凡天下之兵柄皆在焉其任之也重則其待之也亦不輕是故見宰執

而聲揖禮也。至其後則推橫杖矣。見而制而睽騎道名。至其後則又分道矣。至於熙軍待遇之禮。繼於二府。至於寺監。召之而不可得者。吁。何其重也。而祖宗立法。又有深意所寓者。天下之兵。本於樞密。有發兵之權。而無握兵之重。京師之兵。總於三帥。有握兵之重。而無發兵之權。彼此相維。不得專制。

宋兵始末

宋兵制。據兩朝國史。以為。歷真仁英。制益完密。及觀

葉適馬端臨論迺大不然蓋自雍熙端拱

皆太宗以年號

後契丹橫不可制已召募日廣供饋日增而康定慶

厯

皆仁宗年號

間謀國日誤恃兵為國之說大熾不禁遂

弱天下以奉百萬之兵及兵不可用則又為之悅首

以事契丹而兵顧自安於營伍之中故王安石為神

宗講所以銷兵之術知兵之不勝養而不悟藉兵之

不必多教諸路保甲至肆伍拾萬陰以代正兵正兵

不可代則已化天下之民皆為兵於是虛耗之形見

而天下之勢愈弱元祐乃議罷之未幾保甲復治正
兵自若而內外俱耗本末俱弱矣大觀正和中徽宗
保甲之數至六七十萬二法皆弊名具實亡軍政大
壞士卒不能披甲荷戈平民相挺變為盜賊女真南
牧挾兵纔萬餘長驅而至莫有敵者徵召勤王之師
動數十萬然援河北則潰於京城於是中原拱手以授
金人而王業僅偏安江左建炎紹興之間驕潰卒布
滿東南聚為大盜攻陷城邑荼毒生靈卒皆不能北

向為禦敵之兵也時張韓劉岳輩輔佐中興足稱名將然究其勲庸多是削平內寇撫定東南耳一遇女真非敗則遁縱有小捷僅足補過卒有免屈已講利之下策以成晏安江左之計及其末也夏貴之於夏口賈似道之於魯港皆以數十萬之衆不戰自潰而賈降效用者皆宋之將先驅倒戈者皆宋之兵也總之中興以前則養兵以自困多兵以自禍中興以後則民愈多而勢愈弱民未叛而國已危其所由來皆

以兵不出於民也蓋自召募之法行於是擇其願應募者以為兵而所願應募者非游手無籍之徒則負罪亡命之輩耳大宗以來為已然矣方一再傳紀綱尚立威令尚行猶能驅之以親其上死其長及其末也潰散四出反為生民之禍而國祚隨之矣彼謂宋都大梁無形勢之險而其險以兵者真誤宋也哉

歷代兵制總論

古者天子六軍諸侯大國三軍次國二軍小國一軍

夏而上制度無載不可得而紀也周官以一卿為大司馬掌制軍詰禁又有小司馬軍司馬官皆用大夫又有與司馬行司馬官皆用士是謂建其正立其二設其考陳其衆以相督攝以相轉承而武官之例備矣凡制軍國中自六尺至六十野自六尺及六十有五皆征之鄉萬有二千五百家家出一人故五人為伍而屬之比長五伍為兩而屬之閭胥四兩為卒而屬之族師五卒為旅而屬之黨長五旅為師而屬之

州長五師為軍而屬之命卿是謂五有長兩有司馬
卒有長師有帥軍有將焉居守征行以相部曲而帥
營之法備矣齊桓公用管夷吾之說制國五家為軌
則五人為伍有軌長以帥之十軌為里則五十人為
小戎里有司以帥之四里為連則二百人為卒有連
長以帥之十連為鄉則二千人為旅有鄉長以帥
之五鄉為一師則萬人為軍有五鄉之帥以帥之故
有中軍之軍高子之軍國子之軍馬菟苗獮狩畧本

周治亦大國三軍之制也戰國以前軍士在於閭里
有事焉而簡稽有時焉而教習於功暇日農作而居
家未有留屯坐食番上長征之法是以其所處軍置
吏之名一隨於鄉黨惟出師行營則以部隊裨校之
號一切為殊漢以後大改三代之軍始有州郡教大
京都校卒而掌興衆不任鄉黨之吏矣初詔郡國選
有材力之民籍為材官騎士使守尉令丞典領課試
以備征討京師則有虎賁羽林之士多者千人就選

材高者選為將監而屬光祿又有南宮北宮衛士有
令丞一人掌之左右劔戟士有都候丞一人掌之屬
在衛尉又有越騎屯騎步兵長水射聲五校士各七
百人設置員吏稍尊有司馬稍尊有校尉而屬在北
軍中候皆閒時宿衛有征則行自高帝至建安雖士
員官號更易廢置不常而漢之營法具此也魏晉已
降號尤繁處置統隸大約如漢逮於西魏始立諸府
不滿百人有即將主之隸在二十四軍軍一開府將

之每二開府屬一大將軍凡十二大將軍分屬六柱
國隋則每府有隊副旅帥校尉鷹揚即將步卒有步
兵校尉騎士有越騎校尉雜典兵馬而征防上免內
聽命於十二衛衛二將軍一大將軍判之唐貞觀以
後上府至十二百人中府至千人下府八百人十人
為火火有長備六馱馬五十人為一隊立隊正三百
人為一團置團校尉而府有折衝左右果毅知府並
判府事內屬諸衛則如隋制凡武士成丁入軍六十

而免應宿衛者離為三番其征人防人亦有迭次起
西魏大統至唐天寶凡名軍防鄉團衛士武士皆謂
此也宋朝沿唐末五代之制並號禁軍點面營處衣
食公上草教日閱無得番休大凡百人為都五都為
營五營為軍十軍為廂或隸殿前或隸兩侍衛司自
廂都指揮而下皆節級有員品每都立軍使都頭兵
馬使則古之隊正之任也每營立指揮使則古之旅
師之任也每軍立都指揮使都虞候則古之師帥之

任也每軍每廂每第立都指揮使則古之軍將之任也各有副選以貳其政其兩河關西諸州則別募蕃漢丁壯差置將職以倣內軍至其戍守征伐則古有大將元帥大總管今謂招討使都部署是也古有副將副元帥副總管今謂招討副使副部署鈐轄是也古有校尉已下兵職今謂都鑿隊將之類是也立軍制吏古今率同其名雖殊其任則一凡涖師者亦當參攷前後以為今事之法式焉



次子日華全書

圖書編

六四

圖書編卷一百十六